

部令

交通部令第一三七號

署主事林耀樞陳聲洎賀經武均叙九等給第十一級俸此令

部印

中華民國五年九月五日

交通總長許世英

海軍部訓令第一八號

令 第一 艦隊司令 林葆懌 饒懷文

練習艦隊司令曾兆麟

邇來沿海各省海盜披猖商民被劫之案凡數十起迨地方展轉報部請兵事已逾月匪早遠颺莫可踪跡若不設法防範商旅將永無安全之望查沿海緝盜本為外海各警專責惟設備未完海面遼闊力有未逮而海軍平時原有操防職務中外遭風船隻海軍亦有救護之責凡我軍人自不容膜視為此令仰該司令將該管區域畫分地段派艦輪流梭巡以衛行旅亦可藉習風濤沙綫至如何布置暨換防地點應先與地方官接洽以資聯絡其有港汊水淺礁多之處可指導水警嚴密偵查庶無疎漏仍將籌辦情形報部備核除咨沿海各省督軍省長外合行令仰該司令即便遵照辦理此令

部印

中華民國五年九月五日

海軍總長程璧光